









7949
















# DISCOVRS

DE LA DEFAICTE  
DES TROUPES DV GAV-  
CHER, faicte par Monsieur  
le Duc de Celsy Virginio Ors-  
fino, Collonel de la caualerie  
Italienne, & Capitaine de cin-  
quãre hommes d'armes pour  
sa Majesté.

*A Loupuy en Barrois, le 27.  
iour d'Octobre dernier.*



A PARIS,

Par Claude de Monstr'œil,  
tenant sa boutique en la  
Cour du Palais.

---

1 5 2 6.

Case

F

39

326

15960

THE NEWBERRY  
LIBRARY





**DISCOURS DE LA**  
*deffaicte des troupes du Gaucher,*  
*faicte par Monsieur le Duc de*  
*Celsi Virginio Oursino, Colonel*  
*de la Cavalerie Italienne, & Ca-*  
*pitaine de cinquante hommes d'ar-*  
*mes pour sa Majesté.*

**M**ONSIEVR, .  
 J'ay esté tres-ioyeux de  
 l'aduis que vous m'avez  
 donné par la vostre derniere, de  
 l'heureuse & magnifique entree,  
 que sa Majesté a faicte en la ville  
 de Rouën, pour vous en rendre  
 ioye pour ioye, scachant l'aïse  
 que vous avez de la prosperité

A ij

des affaires du Roy, Je n'ay voulu faillir de vous tenir aduerty de ce qui s'est passé sur la frontière de ce costé de deçà.

Le Dimanche 26. du mois d'Octobre 1596. estant le Sieur Virginio Orfino, Duc de Celsy, logé pres de Vitry le François, dans vn village appelé Blasi, eust aduis par le Sieur de Fremicourt Gouverneur de ladicte ville, que les troupes du Gaucher estoient venuës pres de Vitry le bruslé, pour executer vne entreprise: mais qu'ayans esté descouverts, ils s'estoient retirez, & prins quelques payfans prisonniers, de quoy ayant esté ledict Sieur Virginio encores aduerty & asseuré d'ailleurs, en fist incontinent aduertir le Sieur Mazatosti son



Lieutenant , qui estoit logé à demy lieuë de luy, & qu'il eust aussi tost à monter à cheual & le venir trouuer audict Vitry le François , où semblablement le vindrent trouuer les Sieurs de la Perriere & la Tour, qui en auoiēt esté aduertis , & tous ensemble faisant le nōbre de huiet vingts cheuaux, passerent la riuier de Marne audict Vitry, & suyuirēt les troupes dudiect Gaucher à la piste , sans en pouuoir prendre langue iusques à ce qu'ils furent à Betancourt , où la nuit les surprint: Et là ayant eu aduis que les ennemis auoient prins le chemin droit au petit Loupin , bourg qui est dans le pays de Barrois, & que leurs cheuaux estoient fort harrasez , ne pouuant presque

plus aller, sçachant que de neces-  
 sité ils estoient contraincts de  
 repaistre, ou audict Loupin où  
 es enuiron, mondict Sieur Vir-  
 ginio se resolut de les suyure,  
 pour leur donner la bonne nuit,  
 & ayant prins de bonnes guides,  
 il s'achemina droit audict Lou-  
 pin, distant de trois lieuës de  
 Betancourt, & enuoya deuant  
 ledict Sieur de la Tour, pour  
 sçauoir où estoient logez lesdicts  
 ennemis, lequel rapporta qu'ils  
 estoient tous logez audict Lou-  
 pin, faisant bonne garde & senti-  
 nelle, sur lequel aduis mondict  
 Sieur Virginio ayât mis ses trou-  
 pes en bataille, mist deuant luy  
 les Sieurs Mazatosti, & la Perrie-  
 re, lesquels ayants trouué à l'en-  
 tree dudit bourg vne forte bar-



ricade, & vn corps de garde de  
quinze harquebuziers, mirent  
pied à terre, forcerent la barrica-  
de, & taillerent en pieces ledict  
corps de garde, & entrant dans  
le bourg, suyuis de mondict  
Sieur Virginio avec tout le reste  
de la Cauallerie, emporterent le  
bourg, non sans grande resistan-  
ce, si deffendant les ennemis  
vaillamment: mais à la fin ils fu-  
rent si estōnez qu'ils ne se peurent  
ralier, mondict Sieur Virginio  
demeurant à cheual avec 50.  
cheuaux pour les en empescher,  
pendant que ses troupes forsoiēt  
les logis, le Lieutenant du Sieur  
de Cussi ayant ralié vingt che-  
uaux, vint droit au logis de son  
Capitaine, & l'ayant rencontré  
mondict Sieur Virginio, le char-

gea de telle façon, qu'il fut def-  
faict, & luy mort sur la place, &  
mondict Sieur Virginio blessé  
d'un coup d'espee sur la teste, le-  
quel apres ne trouuant plus de  
resistance, se logea pour cel-  
le nuit dans le bourg, fai-  
sant bonne garde, iusques au  
point du iour, qu'il fit re-  
cognoistre les morts & les pri-  
sonniers, & si trouua 50. hom-  
mes sur la place, entre lesquels  
estoit le frere dudiect Gaucher,  
ayant charge de cinquante har-  
quebusiers à cheual, & environ  
quarante cinq prisonniers, &  
quatre de leurs trompettes, &  
plus de huit vingts cheuaux, &  
force autre butin, sans ce que les  
payfants desroberent la nuit: &  
apres auoir rafreschy ses troup-  
pes, &



pes, & pourueu à ce qu'il luy fal-  
loit s'en retourna en son quar-  
tier, avec lesdicts Sieurs de la  
Tour, & la Perrière, & luy fut dit  
par les prisonniers qu'il y auoit  
ausdictes troupes dudit Gau-  
cher,

*Quatre vingts Cuyrasses de la com-  
pagnie dudit Gaucher.*

*Quatre vingts du Sieur de Cussi.*

*Trente du Capitaine Jean.*

*Soixante harbueuziers à cheval de  
ieune Gaucher, qui fut trouué en-  
tre les morts.*

Le Sieur de Cussi, & le Ca-  
pitaine Jean se sauuerent en fa-  
ueur de la nuit. Mondict sei-  
gneur tient en bonne garde les  
prisonniers François, & ne les

veut pas mettre à rançon, comme les autres, ny les eschanger, sans la permission de sa Majesté, à laquelle il a enuoyé le Sieur Mazatosty son Lieutenant, pour l'aduerter de ceste deffaiete, & sçauoir ce qu'il fera des prisonniers François.

Je ne vous escry point les cruautez, violements, & barbaries que le Gaucher & ses troupes ont faictes depuis deux ans en çà, qu'il a pris le party Espagnol és marches de Bourgonne, Champagne, & Barrois, ils n'ont esté que trop sceuës, par beaucoup de François, qui sont tombez en leurs mains : mais ie vous assure que ceste deffaiete est aussi belle & profitable en ces paysicy, qu'autre qui s'y



soit faicte il y a long temps.  
Je ne feray faute Monsieur de  
vous aduertir de tout ce qui se  
passera en ses quartiers. De Vi-  
try ce 29. Octobre 1596.





